

LEM

Витаме

«І так бібліотека є, як того хоче Борґес, модель всесвіту, стараме ся зробити з неї всесвіт на міру человека, а припоминам, же бібліотека на міру человека то означат тіж бібліотека радісна (...) і так бібліотека, до котрой ся ходит радо і котра поступово перемінят ся в великій простір для вільного часу, як Музей Модерного мистецтва, де мож піти в кіно, перейти ся по огороді, обізнати статуї і зісти повний обід. Знам, же ЮНЕСКО згаджат ся зо мною: «Бібліотека (...) повинна быти легко доступна, а єї ворота отворены для вшитких членів спільноты, котры свободні можут з неї користати без огляду на расу, кольор скоры, національнїст, вік, стать, віросповіданя, язык, цивільний стан і рівень осьвіты»

Умберто Еко

Історія

Найстаршы сліды бібліотекарства на Горлицыні сягают 1870 рока. При Товаристві Приятелі осьвіты в Горлицях існувала чытальня з 1500 творами. Осьвітню діяльнїст в роках 1893-1939 провадил Гурток Товариства Народной Школи. Єдном з важных бібліотек, які діяли до I вїйны світової была Бібліотека Касиногова Товариства. Мала она свій осередок в будинку «Сокола» (тепер кіно «Віарус»). В 1925 році повстала Бібліотека Об'єднаня Ремесників и Купци, яка функціонувала під час окупації, а по вызволеню діяла до 1947 рока. В міжвоєнний час існували ишы інчы бібліотеки, м.ін. Бібліотека Жидівских Жінок, Випожычальня Книжок Юлії Канкоферівны. На території Глініка Маріампольского діяли дві бібліотеки: Касина Урядничого и Товариства Університетів Робітничых. Частину книжных засобів тых бібліотек спалили німці, частина опинилася в засобах Міської Публичной Бібліотеки в Горлицях.

Підставом для створіня бібліотеки на терені міста бив Декрет о Бібліотеках и Опіці над Бібліотечними Засобами з 1946 рока. Ухвалом Державной Ради покликано до існуваня бібліотечни комітети и в силу той ухвали створено в Горлицях 5-особовий Повітовий Бібліотечний Комітет з головою Владиславом Цебульским.

Бібліотека Повітова зачала свою діяльнїст од зорганізуваня сітки бібліотек на території повіту. Завдяки помочи національных рад, осьвітньої влады и бібліотечных комітетів, тотя акція ишла дос скоро. Урочысте отвертя бібліотек Горлицыны одбыло ся в 1949 році. Сітку 12 пляцівок становило: 1 Бібліотека Повітова, 2 Міскы Бібліотеки, 2 Гмінны Бібліотеки и 52 Бібліотечны Пункты.

Горлицку Бібліотеку зареєструвано 27 лютого 1948 рока під назвом Міска и Повітова Публична Бібліотека в Горлицях. 4 мая покликано до жытя Повітову Публичну Бібліотеку як окрему пляцівку.

Першого вересня 1948 рока керівником Повітової Бібліотеки выбрано мгр Станіслава Габриєля.

В початковій фазі діяльноты бібліотеки (роky 1945-1948) ишли роботы скеруваны на удосконаліня доступу до книжковых засобів. Прислужыли ся товдиль першы бібліотекаре: Вільгельміна Стахнік, мгр Марія Мушыньска, мгр Станіслав Габриєль, Марія Войтасевич.

В 1955 році дишло до обєднаня обох горлицких бібліотек и з того часу діє єдна Повітова и Міска Публична Бібліотека в Горлицях.

В 1973 році з огляду на утворіня гмін як адміністраційных одиниць зашла необхіднїст змінити назви и характер бібліотек. До існуваня покликано Бібліотеки Гмінны и Дочірны. Пляцівок било товдиль 35, які ділили ся за таком схемом: 1 Повітова и Міска Публична Бібліотека в Горлицях, 1 Бібліотека Міста и Гміни в Бічу, 11 Гмінных Бібліотек и 20 Дочірных Бібліотек, а тіж 50 Бібліотечных Пунктів. З 1 червня 1975 рока в

результаті впровадження адміністраційной реформы горлицка пляцівка прыняла назву - Міська Публічна Бібліотека.

Першого червня 1999 рока горлицкій бібліотеці, як єдній з першых в Малопольскім воєводстві прысвоєно функцію повітової бібліотеки.

Контакт

Телефон: (+48) (18) 352 19 62

Факс: (+48) (18) 354 07 74

Адрес e-mail: bibliotekagorlice@interia.pl